

La BCG investescha a Sedrun

La Banca Chantunala construescha ina chasa d'abitaziuns e da fatschentas cun banca

■ (cp) **La Banca Chantunala Grischuna bajegia amez il vitg da Sedrun ina chasa d'abitaziuns e da fatschentas. Quest edificzi dat suttetg a la nova agentura da la BCG ed al nov center d'infurmaziun. L'emprima badigliada vegn fatga questa primavera. L'october 2014 duain las localitads esser prontas.** Cun construir ina nova chasa d'abitaziuns e da fatschentas inclusiv center d'infurmaziun e banca suttastritga la Banca Chantunala Grischuna l'impurtanza da la Surselva. «Nus cartain vi da l'avegnir da questa regiun e vi da ses svilup economic», declera il commember da la direziun generala *Thomas Roth* quest'investiziun pli gronda da la BCG a Sedrun.

L'edificzi nov vegn bajegià en in lieu central dasper il center communal. «L'architettura moderna satisfac a nossas autas pretaisas da servetschs da banca actuals», sa legra *Christian Alig*, manader da la regiun da Glion, già sin la nova agentura a Sedrun. Per ina cussegliaziun professiunala che satisfac als basegns da la clientella procuran, sche tut va sco previs, dus collavuraturs a partir dal 1. d'october 2014. Cumplettada vegn

l'agentura da la BCG cun ina zona da 24 uras cun bancomat. «Noss project po era vegnir considerà sco impuls per la nova surbajegiada en il center da Sedrun», cuntinua *Alig*. Cun la construcziun nova da l'agentura rinforza la

Banca Chantunala Grischuna ultra da quai sia preschientscha en Surselva.

Ultra da la nova banca datti en il center dal vitg in center da recepziun e d'infurmaziun per giasts sco era sis abitaziuns da 4½ stanzas che vegnan vendidas u af-

fittadas. L'entir bajetg vegn erigì tenor il standard da chasas passivas minergia-p. Previs èsi da cumenzar questa primavera cun las lavurs da construcziun. Realisà vegn il project dal biro d'architettura maurusfrei partner AG da Cuir.



Visualisaziun dal bajetg che la Banca Chantunala Grischuna preveda da construir a Sedrun.